

松下述學集

行刻  
再刻

東莞徐夔題

## 松下述學集續刻自序

予自民國十二年春，輯成松下述學集之後，至今又十二年矣。歲月不居，老景將至，予距花甲一週之年僅三載耳。回憶民國十二年秋，至十八年夏，此六年之內，先後爲本縣縣團總局副局長局董，縣自治委員會委員，兼理文書，案牘勞形，幾無餘暇以研究學術。幸中間兼任縣立中學校文史教員三年，對於文學史學，未甚荒廢。自十八年至今，專任私立任遠中學校國文教員者又將七年。終日演講，修改文字，亦不過發振聵聾，補苴罅漏。至於自修文藝，究無良機，安有書籍出版之心理乎？本年夏秋之交，適有友人及學生問取松下述學集。予應之曰：前刊之一千本，除分送外，餘本放在書肆，經已售罄，今難以應付矣。友人曰：何不再刊以餉後學？予應之曰無費。某學生曰：吾等代爲釀資助刊可也。予曰諾。爰摭集近年來應酬之作，得論六篇、題詞一篇、序四篇、記一篇、碑記二篇、啓事一篇、詩十六首、共三十一篇，分爲二卷。顏曰松下述學集續刻。付於原集之

後，並付剗削，以供同好而貽來者。文多率筆，不求華飾；珍藏覆瓿。聽之可也。但人生世上，不過數十寒暑。予初輯是集之時，年四十五，今則又多十二年。自今以往，再閱十二年之後，不知予身尚在人間否？在焉不知所作之文字精粗厚薄若何？所處之境遇否泰通塞又若何？此誠不可測度，亦不必計較之事。所可自信而不甘暴棄者，惟有心存聖賢倫常日用之道，力救社會人心陷溺之弊，以求稍有裨益於身世，不至虛負此生而已。昔中華民國二十四年秋九月、台山雷澤普再述。

848  
334.6  
:2

# 松下述學集續刻目錄

卷一

論

論日人佔我東三省之無理與我國今後之所當注意

論日人攻我上海之謬妄與我國遷都洛陽之必要

論王陽明學說為救國之利器

溯源自治會所落成後之回顧與將來自治之希望

論溯源中學地址之適宜及預測建校成功之迅速

論建校不必過求華美須留餘款以充經費


題詞

溯源月刊發刊詞

序

松下述學集續刻 目錄

壹



3 0526 6476 4

959297

溯源自治會並月刊成立勸捐序

籌建任遠中學校舍勸捐序

籌建溯源中學校及紀念堂內地派報主位序

籌建溯源中學校及紀念堂勸旅外宗親捐款序

記

仁孝橋記

碑記

改建通濟橋碑記

海口埠萬安墳場碑記

啓事

改建通濟橋勸辦處請人過新橋啓事

駢體

卷二

詩

七絕

奉和維爵家夫子讀史有感 四首

遊二仙寺

訪二賢堂

過蘇渡亭

重遊福寧醫院

七律

奉和 趙嶧山師

贈新寧鐵路總理陳宜禧君

題台山中學校甲班生三年級攝影

贈公益警察區長方松軒原宗兄

和旅卡技利鈴學宗硯兄

和旅紐約家傳宗姪

和方碧溪原宗兄

乙亥時局感懷

# 松下述學集續刻卷一

## 論

論日八佔我東三省之無理與我國今後之所當注意

我國地大物博，人民衆多，本足爲世界一大強國。但以前清時代科學不興，民智閉塞，國以貧弱。甲午中東之役，甫經交綏，卽爲日軍所敗，日人自此有輕視我國之心。迨庚子聯軍之役，我國京師失守，未幾賠款議和，日人亦得嘗鸞，於是得有侵吞我國之志。但其時朝鮮雖云獨立，仍阻梗東南，日人雖其野心而不得逞，於是視朝鮮爲莫大之障礙物，先設法亡朝鮮，而後侵畧我國。乃於宣統二年提出日韓合併案，使朝鮮王承認朝鮮既亡，日人遂有取中國而代之之意。今日乘我東三省軍隊入關，國防空虛，遂藉甲村失蹤一案，入而佔據之，以爲己有。嗚呼！我遼寧、吉林、黑龍江、三省其亡乎！日人積數十年之經營，苦心焦思，如田中所獻兼併滿蒙計劃，其目的今已達乎！彼不顧萬國和平之公例，並蔑視國際聯盟會及九國公約不尙侵畧之主張乎！可謂無理之甚者矣。雖然，我國今日之政府內





訂如此，人民慕外如此，是召亡之道也。何也？南京既有國民政府，西南又隱然一國民政府，意見衝突，鵠蚌相持，予日本以漁人之利；是政府之召亡也。人民好用日貨，不用國貨，金錢外溢，藉寇兵而齎盜糧；是人民之召亡也。至於農工商業，平時不知發展；國防軍隊，閒暇不知設備，今日兵臨城下，且入而據之，始悔無戰艦，無飛機，無陸戰大礮。國庫空虛，無財應付，始乞援友邦，望第三者借貸並出而干涉；不巳晚乎？孟子曰：「國必自伐，然後人伐之」，此之謂也。然則爲今日計，將如之何？首須統一全國，只設一政府。秉國鈞者同心協力，無此疆彼界之分。次則振興教育，使民知愛國。又次則抵制日貨，發展農工商業，以塞漏卮。然後舉行徵兵制度，使舉國皆兵。並設備戰艦飛機陸戰大礮，使軍備充實。且用人惟其才，不限定資格，以示大公。仍須乞援友邦，望世界有強力之國伸張大義，責令日本將東三省交還我國；否則合兵擊之。如此修內攘外，遠交近攻，我國或可免於亡。否則倭奴謀我，野心未艾，今日取東三省、明日又取其他各省。狼餐虎嘯，犀象當亦垂涎，恐惹起列強瓜分之局，斯時中國不爲波蘭，不可得也。何只庚子聯軍而已。我國人能無懼乎？

民二十，九，三十，付於溯源月刊。

### 論日人攻我上海之謬妄與我國遷都洛陽之必要

語云，師直爲壯，師曲爲老。又云，知己知彼，百戰百勝。是故其攻人國也，苟師出無名，師必敗，卽勝亦不能持久。其被人攻擊也，知己而不知彼，無以禦敵；知彼而不知己，無以自全。觀於此次日人之攻我上海，與我國之遷都洛陽，不知所感矣。日人之攻我上海也，可謂謬妄之主。何以言之？上海爲我國咽喉之地，我國所必死守之要點。誠以上海據長江下游，上海失，則浙江、江蘇、安徽、江西、湖北、湖南、貴州、雲南、四川各省亦因之而危。至沿江各省不能保，則我國中間截斷，南北不能交通，而大事去矣。此上海爲我國所必死守之要點也。就使上海失，而此地爲各國租界所在，英美法意俄德諸國，亦斷不肯任日本之獨自携去；因此引起世界戰爭不難。日人固藐視我國，其亦藐視上列各國乎？獨不思螳螂捕蟬，黃雀之議其後乎？且日人開釁之理由，一則曰日僧被毆傷。再則曰重光使館有人放火。此等小事，靡特不有之，卽使有之，亦只可遣使交涉，不應猝然興舉國之師。日人此次師出無名，曲在彼矣。吾是以謂其謬妄也。然則我國遷都洛陽，則又何說？現我國政府所在地則南京也，南京四戰之

地，走而不守，固不及北平，更不及長安也。古所稱鍾山龍蟠，石城虎踞者，徒驚人語耳。且更有一最不可守之真實狀態。何也？日人如據我上海，則南京距上海不遠，敵艦直駛而入，據下關可以砲擊南京。爾時國民政府不搖動乎？洛陽居天下之中樞，四方貢獻，道里適均；以之奠都，實全國人民所公認。况東枕嵩高，西控踳坂，南臨伊洛，北帶黃河，儼然四塞之固，敵艦自難於深入。且進可以戰，退可以守。左有蘆漢鐵路，前有隴海鐵路，調動軍隊，運輸餉械，措置裕如，有何不可？蓋比較北平之近東三省，形勢孤危，長安之交通不便，且太偏僻；洛陽固有過之，無不及也。國民政府之現遷於此，非示弱也，爲作長久抵抗之計畫也。卽以此地爲永久國都，亦無不可也。要之日人以師曲擾我，我必以師直報之。卽以此地爲路軍之竭力抵禦，其前鋒耳。當有以繼其後也。今敵艦欲砲擊我南京，我國府暫遷於洛陽以避之，此切要之圖也。但仍在我國人心團結，急救目前，掃卻倭奴，雪斯國恥，民國前途，庶乎有豸。否則任彼攻擊，而不合力反抗，至使師曲者反待行其志，師直者反爲勢所屈，謬稱知彼而無以禦敵，詎知己而無以自全，雖日言遷都，無益也。

民二十一、二、廿九、付溯源月刊

論王陽明學說爲救國之利器

我國爲倭寇所逼，前年已失東三省，今又失榆關，熱河亦岌岌垂危，而政府不設法抵抗；人民視平熱之危，亦如越人視秦人之肥瘠，不甚關繫；雖明知國家將亡，亦僅咨嗟太息，而不能犧牲個人私利以爲國家者。此何故耶？知而不行，不能奉王陽明學說以救國也。然陽明學說何以能救國者？陽明先生名守仁，浙江省姚江縣人。明弘治進士，正德間巡撫南贛，平大嶺山諸賊，並定宸濠之亂，明代文臣用兵，未有如守仁者。其學以致良知爲主。謂即心即理，即知即行，故主知行合一。知只是行的主意，行只是知的工夫。未有知而不行者，知而不行。只是未知。故知之真切篤實處即行，行之明覺精察處即是知。知是行之始。行是知之成。共高弟劉蕺山引伸其說曰：良知爲知，致良知爲行。即知即行，即體即用云云。蓋其學說是使學者體認天理，即須實力行之，對於一身如是，對於一國亦如是也。是說也，傳入日本，日人崇尚王學者頗多。近百數十年所產出之武士道，

（日人謂武士所當履行之道德，即重節義、輕生死、排除怯懦貪欲爲君父犧牲其身家也。）

大和魂，

（大和、日本國古稱、大和魂者、日人自命爲精神上之國粹、其後

點在於忠愛尚武、廉潔義俠而知恥、生運、以勉勵其忠君愛國之志。奮慷慨激昂之志，盡忠君愛國之節，不憚犧牲個人性命財產而爲之者，皆王學影響之所及也。昔人謂禮失而求諸野。今我國王學已失其傳，而反得諸區區三島之日本，豈不羞辱之甚乎？今使我國提倡土學，人民愛國之道，既知卽行。在官者捐棄箕踞地盤之故智，而建揮戈反日之新猷，在野者化豚肉食者謀之微嫌，而行國難共赴之義舉。凡屬軍隊，皆具戰死沙場之決心；所有平民，皆存爲國干城之銳氣，將見東瀛倭寇，不足蕩平；長春沐猴，可以撲殺，又何患三省失地之不收復，平熱界邊之不穩固哉！昔顧亭林先生有言，天下興亡，匹夫有責。蓋人心風俗之轉移，得諸士夫之議論者甚多，不能盡責諸在官者也。有能提倡土學以救國者乎？吾將與之廣同調矣。

民二十二、一、三十一、付於溯源月刊。

### 溯源自治會所落成後之回顧與將來自治之希望

溯源自治會所之設，係爲我甯方鄺三族謀幸福，而會所之成立，尤爲謀永久安全之幸福，使自治事業繼續進行，不至或作而或輟也。反而觀之，若

非建築一鞏固不可搖動之會所，則辦事無根據地，今年賃甲舖，明年賃乙舖，後年又賃丙舖，東搬西遷，迄無常處。一旦財政稍絀，而自治事業墮矣。會所既巍然屹立，即孫總理所謂有物質之建設也。物質建設既完全，然後心理建設隨之而進展；即自治會所既成立，然後自治事業因此而次第設施也。然則會所未建築以前，遂無自治事業之可言耶？非也。取而譬之，會所猶戲院也，自治事業猶演戲也。若無大戲院而演戲，猶之乎借掛一幅帳幕，敲幾響馬鑼，舞兩頭縣羊而已；英雄無用武之地也。大戲院既成，名角色登臺，有唱情，有做手，有八音，有配景，此戲日然好看。自治事業亦猶是耳。回憶溯源自治會所將建築之時，有主張移下公益者，有主張移至新昌者，此皆一偏之論，實與原議不符。原議自治會所建於台城，而後刊發動捐簿。况經購定地址，豈能中更。且台城為縣政府所在地，消息靈通，觀摩易易。所以陳黃李譚伍等自治會皆設於台城，取其地勢集中故也。就以道里遠近而論，台城鐵道四通，公路亦便。北至塘面泮村，西至冲雲古宅，南至大嶺下川，東至鎮口都斛，道里適均，有事易於召集。故原議定會址於此，已考慮密矣。將來我溯源自治事業發展，即在新昌或公益設一分所，亦未嘗不可，即如舊金山大埠有溯源總堂，而各埠又有分堂無異。果主五洲之內，青六白日所照臨之處，都有我溯源堂，則我

溯源之名益彰矣。惟是今日者，台城居然有我溯源二族新自治會所矣。舞臺雖不甚大，然比較前者實一矮舖之一層小樓爲會所時，當有廣狹高低之不同。取而譬之，亦作中等以上之戲院，並非借掛一幅帳幕可比。當角色者，豈可舞兩頭繇半，便作戲事耶？我甚望今後充當溯源自治職者，本其唱情做手，唱幾腔西皮反線，或演幾場大入寶上夫。三族教育如何振興？三族實業如何提倡？三族公安如何維持？三族慈善事業如何建設？三族內地外僑如何聯絡？三族煙賭之風如何肅清？三族道德人心如何匡扶？卽孫總理所謂物質建設，與心理建設，都妥繼續努力做去。我三族民衆須聯合起來，方有進步，不可但責諸自治職員。自治職員爲之提倡，三族民衆爲之後盾可矣。此爲我三族將來之希望歟？

民十九、六、三十、付於溯源月刊

### 論溯源中學地址之適宜及預測建校成功之迅速

我溯源自治會籌建溯源紀念堂，以爲溯源中學校地址，意至美，法至良也。自去年十一月以來，由鄙人提倡此事，並提倡捐款。凡捐款六十元以上者，於建校時，得佔正座主位或磁相一座，凡捐款二十元以上者，於建校時，得佔副座主位或磁相一座。凡捐款五百元以上者，得派子姪一名，赴

溯源中學肄業，三年免收學費。自此議一出，不兩月間，內地捐款，竟達至二萬五千元以上；可謂踴躍之至矣。但大凡建築之事，不外籌款及擇地兩大問題。假使地址未能擇定，或擇定而非適宜，則人心之向背未可知，繼續捐款之多寡未可料，建築成功之遲速亦未可斷耳。幸也我溯源自治會發起籌建中校之事僅一月間，而竟有召投台山縣署餘地之事發生。所謂召投台山縣署餘地者，其原因亦甚長矣；民國十四五年時，劉前縣長裁甫曾呈請廣東省政府，將台山縣署拆平，遷入一二十丈，另建新式縣署洋樓一座，如廣東省財政廳然。所有縣署餘地，及縣署東西兩邊，舊儒學西齋，舊捕廳，舊十房地址，盡行召投，以所得款，為改建新縣府之費等語。此呈久蒙省府核准，但未施行，劉去而李仲仁繼任，李去而鍾喜卓繼任，屢欲進行，卒未見諸實事。故召投縣署餘地一事，至現任李縣長海雲始實行。此雖人事，亦天時也。惟縣署餘地甚多，縣政府劃分為九十餘鋪位，分作東偏鋪位兩行，西偏鋪位一行，及其他零星小段不等。當投充鋪位時，廣東財政廳、建設廳、均派員到縣監投，以鄭重其事。至投闔又按次逐一競投，不能併投。將欲於此間得一大地段，以足敷建築中學校之用，亦憂憂乎其難。後由鄙人多方請求，幸得官廳允許，卒能以每井地價三百二十元，連投得自七十七號至八十九號之縣署餘地一大段。此雖天時，亦人事



也。查所投得之地，即舊儒學西齋，及舊捕廳，舊縣署榕園地址，計一百五十井有奇，須繳地價五萬元之間，經已向三族昆仲揭款繳交。是則關於溯源中學擇地問題。可告一段落。此後關於建築，還須籌款。但預料將來籌款甚易，建校成功之期亦甚速也。何以言之。台山縣城爲明孝宗宏治間國師徐東風所建。先擇吉地，東建學宮。西建縣署，後頂三台山。前通青雲路及南門正市，地方之佳，全縣首屈一指。今將溯源一族籌建宗祠以爲學校，適居學宮之右，縣署之左，後枕三台更正。鄉人腦筋，尙有風水之說，將來開報主位，必爭先恐後，一二萬之金錢，何難咄嗟而集。就言當今民智開通，不信風水；即建祠辦學兩事，一以安先靈，孝也。一以培後進，慈也。我三族昆仲孝且慈之心理，未嘗或忘。試觀於黃氏建宗祠，即辦居正中學；李氏建宗祠，即辦敬修中學；伍氏建胥山紀念堂，即辦胥山中學；我台開兩縣溯源三族建溯源紀念堂，即辦胥山中學；諒亦不落人後也。善故曰所得溯源中學地址之適宜，可預測建校成切之迅速也。

民二十、一、三十一、付於溯源月刊

論建校不必過求華美須留餘款以充經費

凡智者之用財也，今日能留其有餘，斯他年不患其不足。愚者不善用財，

只圖目前之奢華，不顧將來之困苦；迨至困苦萬狀，始悔當年奢華之非，亦已晚矣。嘗見有因營華屋，浪費金錢，未幾而饑殍不繼，衣襦不完，歸咎於徒謀住所，不謀衣食之失計。個人建屋如是，即羣衆建校亦何獨不然。夫建校之目的，在乎培育人才。但其初雖有培才之心，而無培才之地，是以籌款建校爲當務之急。款既籌矣，校將建矣，試思建校之後，遂可稱培才之目的已達，培才之手續已完乎？未也。既知建校之後，還要培才，則當建校之初，須爲他日培才計。所籌之款，非只不宜用罄，仍須多留有餘。否則日後拮据情形，不可言喻。即如台山縣立中學校，以捐款四十餘萬，而盡用諸建築及開幕等費；至遞年經費不足，乃專靠地方雜捐。地方雜捐愈多，人民負擔益重。諺所謂醫得眼前瘡，挖卻心頭肉。揆諸培才之初意，當不如此。然尤有進者；縣立學校，遞年經費不足，猶可資藉於地方雜捐；若私立學校，則無地方雜捐可憑藉。斯時常年經費不敷，又將誰靠？再求捐款，杯水車薪，何濟於事？爲校董者，豈不終日憂貧乎？試觀我台山黃氏居正中學校，因無建校餘款，以至常年經費不足，影響學務不大發展。李氏散修中學校，雖有建校餘款四萬，伍氏胥山中學校，亦有建校餘款五萬，出息稍能資助；然辦學效果，仍不能按照預算成績增加。蓋將建校餘款購業出息，年中所得，除去祭祀等費之外，所餘者尙不足彌補

經常費之數。况並此四五萬而無之者，其辦學成績，不更瞠乎在敬修胥山之後乎？夫建校之時，用款過多，餘款絕少，他日辦學必有來日方長，後將不繼之患，不可爲諱者也。現我溯源二族壽建中學校，除地價外，建築費約十萬元至十二萬元足矣；不必過求華美，但須樸實堅固。要留現款十萬元以上，置業出息，以爲遞年學校經常費之助及祭祀等費。蓋辦中學所需實與辦小學不同，將來辦至學務發達，增置齋舍，擴充儀器標本，增加教職員薪金，減輕學生學費，在在需財。其補助經常費者，所謂如韓信將兵，多多益善。然則今日建築費可從儉入手，須多留餘款，以爲他日彌補經常費可乎。

民二十、八、三十一、付溯源於月刊

## 題詞

### 溯源月刊發刊詞

吾人不出戶庭，能知天下事，且知之尤速者，其惟新聞日報是賴乎！然以天下之大且遠，其事可數日知之，以家族之小且近，其事有數月不及知，或數年不及知，或終身不及知之者；豈家族大於天下，遠於天下歟？抑亦

世之人抵掌日談天下事，而家族反付之缺如，慕其大而忘其小，圖其遠而舍其近，以至滯井之間，亦有渺若山河之感也。於是家族月刊之說出焉。夫家族月刊之設，其義果何所取哉？非僅以聯絡感情也，非僅以靈通消息也，非僅以固結團體也。吾向之所謂知其事者，非僅知其事而已也。家族之間，有言行之善者焉，吾知之，吾從而獎勵之，使其餘之人，皆以之爲表率。有言行之惡者焉，吾知之，吾從而規懲之，使其餘之人，皆以之爲鑑戒。其仕道德上者如此。若就事業上論之，甲作一公德事，旁觀者知之，將以助之使成，冀其福於宗族。乙作一不公德事，局外者知之，將以弭之使消，勿使禍延鄉邦。且也敬宗睦族，弔死問存，幼有所教，老有所養，出入相友，守望相助，疾病相扶持。不言感情而自感情，不行消息而自消息，不言團體而自團體。興利除弊，共爲良好之國民；崇正黜邪，克成先公之賢裔。是則月刊之本旨也。夫如是，則作月刊者，必有智識及道德之人，采輿人之正論，爲月旦之公評，然後月刊之作爲有價值。閱月刊者必有良心及好善之人，聞醒腦之晨鐘，作當頭之棒喝，然後月刊之閱爲有資格也。非然者，於家族之遠大事業，置之不顧，而徒以聯絡感情，靈通消息，固結團體，謂爲盡家族月刊之能事；其淺之乎視家族月刊哉。近年以來，各姓各鄉舉辦月刊者，日有所聞。我雷方鄺三姓獨瞠乎其後者，則

以族多散處，提倡乏人，或提倡之，羌無實際，是以遲遲至於今也。然今日月刊亦已成立矣，此後家族之事，知之甚易，非如前者知之甚難；知之甚多，非如前者知之甚少；若徒曰知之則已，吾又奚詞。如曰於知之外，必將有所扶持而匡正之焉，則吾之所望於我三族者豈少也哉。或者曰，月刊何以溯源名？吾曰，雷方鄺雖分三姓，原屬一家。前清道光時代，水口埠曾有三姓溯源祠。茲之月刊以溯源名，亦數典不敢忘祖之意云。

民十四、六、三十、付於溯源月刊

## 序

### 溯源自治會並月刊成立勸捐序

源之義何取乎？則以我雷方鄺雖分三姓，然溯厥由來，同出一源故也。自治之會何取乎？則以我三姓勢渙情睽，欲使之渙者萃，睽者隨，共謀利害之興革，以成一自治之團體也。月刊之設何取乎？則以我三姓之內，善善從長，惡惡從短，作月旦之公評，爲自治之導線也。是則聯合溯源三族而成自治，即並聯合溯源三族而成月刊，其事雖殊，其用意則一也。夷攷溯源堂三族之宗傳，雷氏居先，鄺氏居後，方氏則居乎其中。據史書所載，黃帝以前，有方雷氏古侯國。其後以國爲氏，單姓雷。至黃帝時有雷公，

察明堂，究息脈，與岐伯俞跗齊名。雷之得姓，實始於此。然此只可見雷氏之起源，未足證方氏之所從出也。神農八世孫帝榆罔之子曰雷者，相黃帝，伐蚩尤，以功封於方山，後人以地爲氏，稱姓方。此卽方出於雷之明證也。自是以還，雷方並行，代有著者。堯時之方回，以仙術傳；周之方叔，以征荆蠻稱。漢之雷義，與陳重友善，爲膠漆交；晉之雷煥，爲豐城令，能識寶劍之氣；唐之雷萬春，爲張巡裨將，與巡俱以忠義聞。皆載在史籍，班班可攷。唐季有御史中丞方殷符者，征黃巢有功，唐僖宗賜其第五子廷英以鄜姓。此卽鄜出於方之明證也。吾故曰，溯源堂三族之宗傳，雷氏居先，鄜氏居後，方氏則居乎其中也。宋進士大理寺正卿雷復，河南祥符縣人。以忤賈似道，去官之南雄，後遷新會古博里，是爲台山塘面雷族之始遷祖。方道盛爲開平古宅之最初祖。道盛之叔宗一，爲台山下川方族之最初祖。鄜公照居開平之泮村，鄜公表居台山之冲雲，兄弟遂爲台開兩縣鄜族之開山祖。凡此事績，昭昭在人耳目，吾不贅論，吾所亟亟爲溯源三族告者。不在鋪敘前人之功德，而在發展子孫之謀謨也。夫以雷方鄜三族之衆，散處各州縣，如螽斯之多，如瓜瓞之縣，豈只分居台開兩縣之數而已哉。然就分居台開兩縣者而論，但從男丁計，已不下四五萬人。塘面冲雲居於東，泮村古宅居於西，尙有下川三族居於極南。近者或二三十

里之程，遠者或百餘里之路，使人人各安其居，樂其業，甘其食，美其服，或主老死不相往來，如太古之民族，豈不甚善。無如入民國後，變故益多。縱觀各州縣，或則弱肉而強食，或則小族被大吞，或則軍隊所過，鄉里爲墟，或則萑苻滋擾，并闖盪蕩，意外之虞，不可測度。守望相助，正在此時。然猶付諉之曰：此變亂之事，幸而獲免，吾且言其安常處順者。試觀某族以自治會成立故，建學至若干校，增團至若干勇，振興實業至若干出息，進行慈善至若干種類。某族以月利推行故，消息通而情無隔閡，聲氣感而勢易聯絡，善惡分而人知勸懲，淳澆比而俗知改進。說治說羣，各出其精思果力，以相競存於優勝劣敗之世界，而相演繹於人定勝天之場合。回顧我雷萬鄺三族之民衆，雖不得謂毫無發展，而以此之比較先進先覺之民族則又何如？有不自愧瞠乎其在後者乎？故今者溯源自治會之成，將有所建白也。溯源月刊之設，將有所指導也。非可曰依樣葫蘆，聊以塞責而已。然所謂建白者，指導者，非必謂變理陰陽，遠紹雷公之業；開拓疆土，克壯方叔之猷。正學過方孝孺，氣節邁鄺湛若也。但使爲自治事業者，循自治之軌道而行，有所破壞，亦有所建設。爲月刊工夫者，沿月刊之規程以往，以少數人之精神，喚起三族人之精神。如是焉耳。吾故曰，自治會之成，共謀利害之興革；月刊之設，實自治之導線也。大學曰，有財

此有用。至所以使我三族自治實現其建白，月刊無枉勞指導者，須有財以佐之。吾願我雷方鄺原宗諸伯叔昆弟姊妹鼎力捐助，深念大學有財此有用之一言。是爲序。中華民國十五年一月三十一日，雷澤普謹識。

### 籌建任遠中學校舍勸捐序

無教育不可以爲國，有教育而不能普及，仍不可以爲國。但所謂普及教育者，非只使國民皆受高初兩等小學教育之謂，實使國民皆受中學教育之謂也。蓋普通智識，至中學而後完全，則國民之受教育，亦須皆經中學之程度，而後可言普及也。我邑近年以來，各鄉設立兩等小學校，不下二十所，教育亦頗發展矣。至中等以上之學校，只有縣立中學，縣立師範，及女子師範等，此外尙不多見。歲中在各鄉高等小學畢業者，約千數百人，而遞年台中台師等校所取入初中班肄業者，不過二三百之數，遺珠尙多。莘莘學子，不免向隅。同人等爲普及教育起見，爰於民國十七年秋，在台城設立任遠中學校以供其求。其後居止達人等校相繼而起。可知中學校之亟宜多設，亦潮流所趨，不得不然者歟？計自本校開辦至今，瞬屆兩年。雖無奇技異能，謏聞動衆；然各教職員循循善誘，認真管理，誠爲不可掩之事實。今春經鍾前縣長鑒別全邑辦學人員，謂本校辦理爲最善，持賜褒狀



；並蒙核准每年由地方財政管理委員會在稅捐項下撥支一千五百元，以爲資助本校經費。同人等辦學之心，於是益增漲度。攷東西文明各國，其學校至宏偉。即民間私立各校，有宏偉過於國立者。蓋有宏偉之學校，然後足以發振學生淬厲之精神，而促進其學問，可斷然也。本校齋舍，向皆租用各姓祠宇，雖規模粗具；而零星散處，管理殊難。茲擬在台城擇一適當地點，建築新校舍，以爲學子修業之所。但同人等自開辦斯校之始，需款頗多，再三撐持，已成強弩之末。今若以建校之巨費，再責諸少數人擔負，力所不能，並非虛飾。所以建校之舉，還須大雅同扶。尙望善長仁翁，諸姑伯姊，鼎力捐助，勸成其事。他日構成廣廈，多士歡顏，任重致遠之英才，或從斯而出。非特邑人之幸，抑亦那家之光也。昔中華民國十九年三月，台城私立任遠中學校校董會同人謹序。

### 籌建溯源中學校及紀念堂內地派報主序

我雷方鄺三族分居台開兩縣，男丁約四萬五千餘人，男女合計不下十萬。派衍三宗，源同一脈。前清道光間，曾在水口埠建立溯源祠，至今已百年矣。前清時代科名鼎盛，戶多殷富，爲鄰姓所稱贊。入民國後，向國家社會服務者大不乏人，雖無甚顯赫者，然比較別姓，仍非落後。但前清時代

，注重科名，民國時代，注重學校。學校者人才之所自出，我三族所當留意，不可讓人獨步者也。台開兩縣高初兩級小學，已有數千間之多，惟中學一級，每縣只得一間，其與中學同級之校，如師範等，每縣亦只得一間或二間。邇年高小學生畢業，每千餘人，而中級學校考選收入肄業者，僅三五百之數，其因額滿見遺，竟至廢學者，不知凡幾。今開各巨族有見及此，於是設私立中學校以救濟之。如台山黃氏居正中學，李氏敬修中學，石氏胥山中學，開平譚氏弘農中學是也。我雷方廳三族若能同心協力，亦當然成立一溯源中學校。去歲之冬，溯源自治委員會各員力爲提倡，並發起勸捐。得塘面、古宅、泮村、沖雲、各宗親同意，共認捐款至三萬元有奇。適是時台山縣政府有改建縣衙之議，呈請廣東省政府及財政建設兩廳，准將舊縣署拆平，縮入城北，另建新式縣府；將舊縣署、及十房，儒學西齋、捕廳等地，統名縣署餘地，劃分九十餘號，招人投充。我溯源堂投得學宮路，自第七十七號至第八十九號舖地共十三間。後又與別姓轉承自第七十三號至第七十六號舖地共四間；合計舖地共十七間，面積一百九十餘畝，需地價六萬餘元。經已揭款繳交，並設立籌建溯源中學校辦事處，公舉各員以董其事。爰召集各員會同開大會議，僉稱校地左學宮，右縣衙，後枕三台，得此福地，實千載一時之機會。姑且勿論風水，以之辦學，

實爲居中適要。但計地價已六萬餘元，建築費約需十二三萬，合計需二十萬元以上，方能成事。專靠捐款，遙遙無期。爰議決一面開報主位，一面發簿勸捐。以學校後座爲紀念堂，依昭穆安列主位，其餘爲講堂宿舍。建校餘款，置業山息，爲遞年祭賀及中學常年經費等語。於是約計三姓丁口，派報正副座主位，分發緣簿，使各姓担負，以促其成。所望我原宗共篤親情，踴躍報主，前期繳款，務佔優先。庶幾巍巍學校，早日告成；莘莘生徒，乘時上進。台城溯源紀念堂，直與水口溯源祠先後輝映。非特祖宗之靈爽，有所式憑，抑且子孫之英華，由斯發展。固百年樹人之計，亦千秋敦睦之祿也。是爲序。昔中華民國二十年三月，溯源自治委員會籌建溯源中學校辦事處同人謹識。

### 籌建溯源中學校及紀念堂勸旅外宗親捐款序

我溯源自治會所建築於台西桔園路之東，氣象固煥然一新矣。自治會應辦之事雖多，然以提倡學務爲最要。是以自治會改組後，即提議籌建溯源中學校。其提議建中學之原因，實以中學者，爲高小畢業進步之階梯，亦大專專門預備中標準也。自治會通過此案，徵諸三族父老，均極贊成。且以但求佳地，勿吝價尚爲囑。於是籌款擇地，相繼而起。遍覓城廂內外之地

段，非失之窄狹，卽失之偏僻，求一當意者而不可得。適蘆台山改建縣署，新闢馬路，以其餘地劃作舖地九十餘間，定期在縣自治委員會逐間投充。本會雷施平等迭次向縣政府要求，始允劃開舖位十三間，一次投充，遂一投而得斯地。仍恐地小不足以迴旋，又與別人承轉舖地四間，共十七間，繳地價共六萬餘元，得面積一百九十餘畝。以之建溯源中學校及附設紀念堂，殆綽綽然有餘裕矣。此地東昆文廟，西連縣衙，北枕三台之巔，南控全城之勢，軒然高爽，卓爾不凡。學生讀書其中，旣近聖賢之居，復習官吏之事，道德智識，與日俱進。加以流水後繞，薰風前來，固甚合於衛生，有樂在其中者矣。惟需地價六萬餘元，建築款又約十四五萬，合共約需二十餘萬元，方能蕆事。爰先行揭款，繳交地價；隨卽派報正副座主位，應得主位銀二十萬元。但除清還揭款外，尙未敷建築之用。工竣之後，開幕費，紀念堂週年祭祀費，中學校購置校具，及常年經費等，尙待籌措。須有餘貲十餘萬，置業生息，乃垂久遠。通盤計畫，僉稱非分發緣簿籍外洋各昆仲捐助湊合不可。查台開溯源三族丁口以四五萬計，合計男女不下十萬，其出洋謀生者，總在一萬人以上，合力捐款，成功不難。今新舊金山各埠多設有溯源堂，故此大勸捐，交由各埠溯源堂或殷實商店辦理。查伍氏胥山中學校建築未工竣時，曾派員分赴外洋勸捐，得款以數十萬計

。我三族有各埠溯源堂代理勸捐，可以不另派員前來，以省經費。至捐款獎勵，列入章程，一覽便知。外洋與內地分別者，係在獎給主位一端。內地捐款所得之主位，或派報之主位，收銀係分三期。第一期自民國二十年舊曆二月初旬起，至四月底日止。無論捐款所得之主位，或派報之主位，能依期繳到銀者，每正座收六十元，每副座收三十元。第二期自舊曆五月初一日起，至七月底日止。每正座收七十元，每副座收三十五元。第三期自舊曆八月初一日起，至十月底日止。每正座收八十元，每副座收四十元。所以畧分期限者，志在使宗親踴躍報主位耳。至外洋往返需時，情形與內地不同，故不爲分期。其捐至三十元以上者，獎給副座主位一座，其捐至六十元以上者，獎給正座主位一座；但須一律繳交港銀，與內地繳交毫銀有別。所當注意之點在此。本辦事處此次建校，分爲三大進，三層樓。於後進貫通二三樓，依照穆安列主位，所以於建校之內，附設紀念堂者，依仿照台山黃氏居正中學，李氏敬修中學，伍氏胥山中學，開平譚氏弘農中學之辦法也。要之建校所以育羣英，而成德達才之效廣；立祠所以親三族，而報本追遠之念深。無論若何艱難，務必內地外洋各昆仲同心協力，以期早觀厥成。行見極千載於一時，而溯源之機會得矣；合衆擎以舉鼎，而溯源之事業成矣。養人才以榮宗族，在此一舉。他日校舍告成，宗潢有

耀，不持學宮路之溯源紀念堂，與桔園路之溯源別墅，有表裏山河之象；而且台山城之溯源中學校，與水口市之溯源家塾，有後先輝映之觀焉。是爲序。昔中華民國二十年六月，溯源自治委員會、籌建溯源中學校辦事處同人謹識。

## 記

### 仁孝橋記

台山縣縣團聯局局長譚蔚亭君之父光鎮公、捐建仁孝橋，爲其母溫老太太入紀念。落成，晚等敬誌其事，以垂久遠。其詞曰：自古仁人孝子之聲名滿天下也，必有過人之行，足以稱當時，傳後代，令人想見其仁孝之所爲，而爲之低徊不置者。蓋其實心實力，卽知卽行，本孝親之念以仁民，卽本仁民之念以孝親，固非守財虜之所能爲，亦非沽名釣譽者之所能企及也。斯人也，吾今於譚公光鎮見之。公白水鄉人，七歲而孤，母溫氏守節撫養，以至成人。後經商南洋，積產甚豐。平日菽水承歡，烏鴉反哺，其孝行有足稱者。然此未足以見公之仁也。且未足以見公之仁孝兼盡也。民國十年，劉縣長裁甫出宰鄉邦，逾年卽開闢台荻公路，以通台西一帶鄉村。

計路長約三十里，與築尤以附城白水段爲最先。當是時，民智未開，事屬創始，諸多誤會，幸公之哲嗣蔚亭君多力曉諭，其爭乃定。筆路藍縷，實經營之。今通車數月，車水馬龍，風馳電掣，來往稱便。惟中有大嶺厚橋梁一度，尙未建築；行客至此，盈盈隔水，欲渡無梁，於望洋興歎者。鄉人初以板橋通之。旋以板橋易爲風雨所摧，乃更議建築三合土橋以圖鞏固。惟核計需款約萬金有奇，方能成事。鄉人分任募捐，僅得少數。公時在南洋聞之，乃喟然歎曰：區區萬餘金，吾可獨力爲之。將以紀念九旬老母可也。無須紛紛募捐爲。乃函請鄉人將以前所得捐款，悉數還諸其本人，築橋費讓公一人獨任。鄉人嘉其志，乃許之。白水譚民自治會以此事呈請縣長備案，劉縣長感公之仁孝兼盡也，爰賜題仁孝橋三字；蓋以示褒揚，且以勗來者也。夫世之富戶多矣，往往甘其食，美其服，增置良田廣宅，多畜歌童舞女，以自娛樂；至親戚鄰里故舊飢寒困苦，瀕於危殆，所乞不過數金，遂可以生活，而卒吝惜不肯與者；彼度量之淺狹，固不能強其施一小惠也。尙可責以築橋之鉅金，令彼一人獨任之哉？間或有慷慨仗義，捐助多金者，亦不過欲博一身之榮名，釣一時之美譽耳；孰能因陟屺念母，望雲思親，以偉大建築物歸美所生，而爲之顯揚者乎？此公之仁孝所以爲難，而劉縣長之錫以嘉名，並非過譽也。夫築橋以濟人，仁民也。紀念

其母，孝親也。鄉人感公仁孝之用心，於橋側建仁孝亭以誌不忘。是公以築橋紀念其母，鄉人又以建亭紀念公也。仁孝之報，固其宜也。橋長三丈，經始於民國十四年冬，落成於十五年夏，糜白金在萬元以上。晚等爰爲文以記之，亦願世之富者，當如公之仁孝兼盡云。昔中華民國十五年冬十月旭日。台山縣署財政局長余卓明、教育局長伍子車、實業局長李仲仁、衛生課主任譚梗夫、實業局工業主任梅蓴芳、農場主任李展奇、局員梅植桂、雷鏡頤、商業調查員余伯一、農場技術員楊官曩、測繪員黃士萍、會計員李海生、台山警察第一區區長黃燊、第二區公益警察區長方松軒、區員鄭裕芳、第十區都斛警察區長黃希文、台山縣團總局副局長李仲卿、陳碧山、局董余蘭坡、黃雲友、李月垣、雷施平、伍理周、李逸煥、黃禮邦、梅質彬、林近亭、劉伯溪、朱日周、馬挹秋、伍武、

## 碑記

### 改建通濟橋碑記

我邑城西有王步頭河，上接城東南石坂潭、蠻陂頭、合流之水，下通紫霞河、那西河、而達於菱荻海。王步頭河童頗廣，秋冬水淺沙明，行人可涉



；惟每當春夏，山潦暴漲，幾成澤國，一望汪洋，浩流湍急，橫舟仍不敢渡；西南諸鄉村人欲進城而不得，恆以此爲苦。清光緒間邑紳余灼等怒然憂之，本古入徒杠輿梁之意，發起建築石橋，以通濟西南諸鄉村，故名通濟橋。橋長六百五十餘尺，濶七尺，橋下石墊，二十七度。計募捐共二萬餘圓。自光緒十一年倡議，至十六年建築工竣，前後蓋五六年矣。艱難締造，固非鞭石卽成也。迄今又四十餘年，石墊有傾陷者。隨時修葺，所費不貲。近數年來公路交通，汽車軌軌，風馳電掣，每過此橋，僅容一輛，路人奔避，常恐不及。且石質堅脆，重量過多，難於承受。前數十年之建築物，已不適用於今日矣。去歲台山縣長李海雲、建設局長陸覺生、與炳華明超等爲改建此橋，計劃多次。擬將橋腰加濶，爲英尺三十三尺。橋長除東頭爲西寧市西門墟填築長隄外，得五百四十尺。中間橋墊十七，每墊高二十五尺。其建築材料，先將舊石擊碎，和英泥沙結成三合土，石僅足三分之一，加購三分之二，並於石墊下豎以木樁。預算工料費約十三萬圓。至籌款之法，向全邑各公路汽車客票附加，每里加銅幣半仙，年可得二萬圓。六年後可以籌足此數。惟欲急於建築，故先向西寧市市務公所、西門墟光興公司、新寧鐵路公司、城廂內外各商戶、及附城諸鄉村借債八萬圓，發行築橋券，給以一分週息。餘五萬元，即取諸建築期內汽車每日

附加，其借債亦以完工後附加陸續所得遞次清償。計劃既定，由縣政府轉呈廣東建設廳備案，並委炳華明超等主理其事。橋圖由蔡藻設計，工程由李沅李惠泉承建。改建之始，在中華民國二十年十月，越十四月而歲事。夫莫爲於前，雖美弗彰；莫爲於後，雖善弗傳。今斯橋之改建，固以繼余公之志，亦以適應時勢之需求。我台人得此康莊坦途，何只高車駟馬，可以通過；卽作砥柱中流，亦可以永久存在。是則斯橋之通濟，全台人實受其益，又不僅西南諸鄉村而已。吾儕恐其久而忽忘也，故勒石而爲之記。昔中華民國二十一年十二月，改建通濟橋勸辦處主任譚炳華、副主任黃明超，勸辦員李乾甫、譚鶴銘、朱開璇、譚裔璞、伍時美、余續和、李聖護、譚裔璧、朱心田、葉劍池、李高明、伍洪宣、梅釅南、譚文澤、黃璇經、陳輝南、李沃平、余瓊中、李聖道、黃鏡波、李聖翼、財政員余毓構、等全立。邑人雷澤普敬撰。

#### 海口埠萬安墳場碑記

萬安墳場位於海口埠西南五里許那章村北土名那居山之麓，面積縱橫各十丈，現計安葬骸數已二百有奇，其死無所歸者有所歸矣。溯萬安墳場創設之始，在民國二年冬月，由端芬鄉環洲村梅宗奕君用銀三十元向洋田村曹

恒沛戶購得地段。其後建築費一千餘元，皆梅君一人捐集，梅君可謂見義勇爲，樂善好施者矣。梅君少失怙恃，由祖母撫養成立。初就農業，民國元年被地方商民選爲海口埠警察卡長，盡心職責，闡闡賴安。至九年始告退，改營商業。二十年復被選爲海口警衛隊長，地方倚庇，尤資得力。今年已六十四，猶樂善不倦，每多施濟，爲鄉人所稱。是梅君行善，對於死者既有所安，對於生者亦有所養。推此意也，有民胞物與之懷矣。但以海口埠地勢觀之，前臨大海，商船輻輳，台海公路由此而過，頗屬衝要。埠內舖戶有二日餘間，爲梅黃黎等姓十戶墟。溯始創於廢清光緒二年，至今已五十九年矣。前數年雖改造街市，然未聞提倡設市立醫院以濟人，是爲此埠之缺點。蓋萬安暴場乃安葬人於既死之後，市立醫院乃救濟人於在生之時。安葬人於既死之後者，屍骸不全暴露；救濟人於在生之時者，壽命得以延長。二者比較，醫院固尤爲重要也。吾願地方人士，對於善舉，急起直追，毋讓梅君獨專美焉。然梅君已爲行善之引導人矣。爰爲之記。時中華民國二十二年秋月，邑人雷澤濬敬撰。海口埠商會同人敬立。

## 啓事

改建通濟橋勸辦處請人過新橋啓事 駢體

通濟橋之改建也，需款逾十萬，工程經一年。三合土成，不俟秦皇鞭石；六都人便、迴殊蜀道淋鈴。雷公潭之上流，彩虹正臥，王步河之橫渡，烏鵲新填。汽車則電掣風馳，行客則星趨雲動，諏吉行過橋之禮，國曆五月初三；擇人導先路之儀，夏時四月初九。大燒煙火，間人瞻雪片之飛；連演梨園，天上聽霓裳之奏。黃童白叟，當踴躍以偕來；綠粉紅妝，必娉婷而戾止。惟是風流裙屐，徵逐者多；文物衣冠，進行執首；則尤在福門之嘉耦，壽字之吉人也。蓋聞高車馬，留題壯士之橋；文潞富韓，聯赴耆英之會。在昔雅人韻事，各自蜚聲；而今橋建人過，先端雁序。大抵人生難得，一家多壽多男；世上罕逢，同堂四代五代。亦有年逾壯室，即抱龍孫；歲越成童，已生鳳子。凡此皆門庭之幸福，亦社會所同欽。以此過橋，正得其所。用持頌爲宣告，俾得週知。凡我邑人，無拘姓族。如有後開各節，適與相符。老夫老妻，率孫曾而輦至；少男少女，扶父祖以駕臨。同人當倒屣以歡迎，並奉觴而致敬。他日鴻泥印處，津梁留不朽驕之名；從經時，志乘記聯芳之燭。是亦一時之勝會，百世之餘榮也。所有聘請過新橋條例，開列於后。

(一)九十歲以上者、

(二)八十歲以上、夫婦齊眉、子孫男女二十人以上者、

(三)七十歲以上、夫婦齊眉、四代同堂、子孫男女二十人以上者、  
(四)三十六歲以下、夫婦齊眉、娶媳有男孫者、  
中華民國二十二年三月十八日改建通濟橋勸辦處同人謹啓。

松下述學集續刻卷二

詩

七絕

丁卯(民十六)仲冬奉和維爵家夫子讀史有感四首 步原韻

其一(和讀春秋)

每把春秋說主張，誅鋤亂賊義能詳。時人討父兼仇孝，穎叔雖賢幾鄭莊？

其二(和讀宋史)

大魁天下豈皆才？本領全由正氣來。除卻文山憂宋室，小朝能得幾人陪？

其三(和讀元史)

北虜傾心禮義鄉，有元世祖重綱常。許衡究乏匡時策，僧侶持權背典章。

其四(和讀明史)

承禧輔滿促明亡，可法無權振國綱。書讀由榔遺三桂，叛臣應悔不忠良。

遊三仙寺

(寺在公益區鳳山上，山有瀑布緣石壁而下，寺內有石室，相傳為劉三妹所居。)

東坡遇後此登仙，一理曇花竟杳然。好唱不聞人已去，山間瀑布自潺湲。

〔廣東諺語云、好唱莫如劉三妹、好打莫如朱光卿、三妹即指三仙娘娘也、〕

登二賢堂（二賢堂即今塘面鄉萬福寺故址、元末林義賢、溫炳賢、二人講學於此、清順治初改為寺、仍以林溫二公附祀焉、）

黃沙坑上舊書窗，國土無雙亦有雙。香火結緣儒釋合，緇帷借作佛旌幢。

〔儒釋本不相侔、乃竟合而為一、且相沿久矣、〕

過蘇渡亭（蘇渡亭、鄉人築之以避風雨、在公益埠潯陽站之間、下有蘇波頭、蘇波渡、蘇波渡、為寧陽八景之一、）

潯陽公益道居中，驟雨狂風阻不通。到此可參蘇玉局，休教壯士怨途窮。

〔今四川成都縣城南揚柳堤有玉局觀、蘇軾曾為玉局觀提舉、〕

### 乙亥重遊福寧重院

善院重遊十五年，濟人小惠亦心田。好將霖雨蒼生意，沾溼楊枝灑大千。

〔捐建公益埠福寧醫院、係民國初年予任公益鎮自治會議長時所提倡、經幾許艱辛、至七年落成、又閱二年始行開禮禮、民九以後、予為謀升斗計、離此久矣、今獲到此、情意惻然、故感賦之、〕

### 七律

甲子（民十三）奉和 趙嶧山師

記曾立雪師門後，荏苒於今已卅年。恒愛芝蘭芳自賞，肯隨雞鶩食爭先；

蒼生貽誤悲時彥，素履潛修契昔賢。獨抱麟書宗闕里，梵經道錄總無緣。

### 乙丑贈新寧鐵路總理陳宜禧君

天降三台一偉人，八旬矍鑠似青春。榮身羣鑄新銅像，濟世咸推老斲輪。當道豺狼誰反側；絕塵騏驎獨精神。假年但祝蒼穹眷，百粵交通若比鄰。

### 乙丑冬月題台山中學校甲班生三年級攝影

讀書最樂後生時，萬里鵬程起自卑。寸晷競移陶侃嘯，三年已下董生帷。

班聯玉筍風儀俊，譜訂金蘭氣味滋。愧我孝先無所似，敢誇便腹作人師？

(民國元二年、予曾充邑屬中學校文史教員、至今離校已十二年矣、本年暑假時、復膺趙校長嶧山先生之聘、擔任文史修身等科、重理舊業、自願孳然、幸各生尚遵循矩矱、爭自奮勉、適晚歲甲班以聯同攝影、索予為詩、辭不獲已、草率成之、復誌顛末於此、)

### 丙寅季夏贈公益警察區長方松軒原宗兄

粵稽古牒有方雷，一脈相傳三族開。

(黃帝以前、有方雷氏古諸侯國、其後以國為氏、早姓雷、至神農八世孫、帝榆罔之子曰

雷者、相黃帝、伐蚩尤、以功封於方山、後人因以地為氏、稱姓方、此即方出於雷之明證、至晚唐時、有御史中丞方殷符者、以平黃巢功、僖宗賜其第五子廷英以郡姓、此即郡出於方之明証、故三姓起源、) 雷煥望見豐城縣有紫氣、夜沖斗牛、知為寶劍之氣、實始於雷云、) 晋代賢官知劍氣、(雷煥望見豐城縣有紫氣、夜沖斗牛、知為寶劍之氣、實始於雷云、) 後為豐城令、在監獄中抽出璞石、剖之得兩劍、以



其一贈張華、豐）明儒正學想瑰才。（明方孝孺、人稱為正學先生、成祖篡位、命孝孺草登極詔、孝孺不屈、大罵而死、夷十族、聞者傷之、城今江西地、）

（）豕遊恨處台山僻，（予自民國十二年正月、由廣東省議會歸來、僻處台山、辨團辨學、不問時事者已三年矣、） 釐駕欣從莞

水來。（松軒君係東莞望族、因隨軍營來台、以民國十四年為公益警察區長、） 禹甸興亡應負責，徼巡職小漫心灰。

丙寅秋和旅卡技利鈴學硯宗兄 步原韻

不才漫詡出羣英？豈有文章世所傾。貨殖猶知求實利，儒林應悔逐浮名。

（通覽史記漢書、貨殖儒林兩傳、貨殖傳之人皆富、儒林傳之人皆貧、可知追逐浮名、不如專求實利、） 其篇時自辛勸課，（予雖廬身縣團總局、日間仍兼中學校歷史教、）

授一二十小時、）草稿還加子細評。（予因編輯溯源月刊、對於各處來稿、一律刪改、改後發交滕正、滕正後復自校對、乃付刊、）

鄉國仲連非懶作，兩方宗旨太分明。（大月兩村、因爭地界、各懷宗旨、未肯融和、殊堪浩歎、）

丁卯和旅紐約家傳宗姪

佳句傳來字字香，珠璣列座倍生光。家居棠棣談風月，（予所居之里名棠棣、） 國事蠅

蟬關典章。共產政苛驅猛虎，分贖吏酷進貪狼。約城治化文明地，轉羨溯

源聚一堂。

丁卯冬月和方碧溪原宗兄 步原韻

同是少年薄得名，羨君市隱避虛聲。羣龍野外頻相鬪，孤雁天邊不自鳴。  
統一朔南徒日想，每懷冰雪把心盟。香江惠我詩筒遠，愧乏佳章報厚情。

(予自民八至民十一、數年在省議會、時有發議、因其時希望南北統一、庶得復見太平、詎近二三年、南北各走極端、而南之與南、北之與北、又復自相殘殺、去太平也尚遠、所謂南北統一、徒勞日想、只有自善其身、靜觀世變而已、否則孤掌難鳴、恐亦空言無補耳。)

### 乙亥時局感懷

羣龍無首事紛紛，外患內憂不願聞。忍害同根頻豆羹，須防異族共瓜分。  
未平闖賊成流寇，盡滅緞夷始散軍。弱質雖非盤馬將，征東還欲奏奇勳。

---

松下逸書集附刻 卷一